

6-لقاءات مسجد أسد بن الفرات | 2102-7-7 | الشيخ حازم

صلاح أبو اسماعيل

حازم صلاح أبو اسماعيل

بسم الله الرحمن الرحيم. الحمد لله رب العالمين وشهاد ان لا الله الا الله وحده لا شريك له وشهاد ان سيدنا محمدًا عبد الله ورسوله
صلى الله عليه وسلم واسأل الله سبحانه وتعالى ان يأخذ بآيديننا اليه اخذ الكرام عليه يا رب العالمين - 00:00:00

واعذر لكم ايها الاخوة اعتذارا بالغا عن هذا التأخير. ولكن انتم تعرفون ظروف هذه الايام وانها في منتهى الحساسية. وفي منتهى
الدقة. وليس عملا هكذا مطلقا مفتوحا وانما كل كلمة مليئة بالمحاذير مليئة بالاخذ والرد - 00:00:30

مليئة بالردود. دائمًا مرحلة اختيار الطريق اصعب من سلوك الطريق لأن اختيار الطريق في حد ذاته امر يقتضي اجتهادا وجهدا
وارهاقا بالغا. وانتم تعرفون انه في يوم من الايام اختار المسلمون قرارا فاوشوا - 00:01:00

فكان يعمهم العذاب. برغم ان النبي عليه الصلاة والسلام كان فيهم ولكن روی عنه هذا هذا القول العظيم انه لو نزل لو نزل العذاب لما استثنى الا شخصا واحدا يومئذ - 00:01:30

المسألة دائمًا خطيرة ونحن لسنا من يسرع بالقول ليقع بعد ذلك في الفخاخ في الحفر وانما لابد ان نصدق الله عز وجل في تحري
الدقة. ولذلك نحن كنا في لقاء كان المقرر له انه يأخذ - 00:01:50

مسلا ساعتين ثلاثة فامتد خمس ساعات ونص وكان ذلك لازما فسامحوني هذا هو السبب في التأخير ولو لا اني اعرف من الذين اتي
الىهم لقلت انه لقطعت اللقاء قلت لابد ان ادرك الموعد بالضبط لكن - 00:02:10

اني اعرف ان شاء الله انكم تدركون وانكم عميقون وانكم ترابطون. خاصة ان الموجودين الليلة بالذات لهم منزلة اخص. وانتم
تعرفون ايضا لماذا؟ لاننا في بداية خطوة كبيرة ان شاء الله ربما لم نقطعها من قبل ابدا وربما - 00:02:30

قطعنا ما هو يعني نقدر نقول قريب منها ولكن ليست متماثلة معها ولذلك الذين انعم الله علي فالقائهم في هذه الليلة لهم اهمية بالغة
عندی الامر الثاني يا اخواني قبل ان ابدأ في حديثي المباشر الى حضراتكم الليلة هو ان هذه الايام - 00:03:00

لمن تأخذ بليبي وبجاني وبقلبي وبعاطفتي. هذه الايام التي ينتظموها شهر شعبان من كل عام. لاني اعتقد ان عرض الصحائف على الله
في شهر شعبان معناه نجاح وسقوط. معناه ان اذا الصحائف ورق الاجابة - 00:03:30

بيعرض على الله عز وجل سنويا في شهر شعبان معناه ان في ناس كثير بتتسقط لما يتعرض الصحائف وناس بتنجح ايضا. وانتم
عارفين الحال. عارفين عظمنا شكله ازاي؟ فدائما يشعر القلب درجة من التزلزل زلزال - 00:04:00

لاني يخشى ان يكون من الذين لم تستطع صحائفهم ان تنهض بهم. وآآ بينما الانسان في هذه الحال الفظيعة. الله عز وجل يؤنسنا بانه
يرسل اليها رمضان بصفته طوق النجاة الاخير. اذا كانت اعمال السنة كلها - 00:04:30

وصلت بك الى شهر شعبان وعرضت الصحيفة ولم تنجح عبر اعمال السنة بالكامل فهناك طوق نجاة سهل. تلقى اليك رحمة الله
الكبير. يقول لك طيب من صام رمضان غفر له. من قام رمضان شفيعا. يلقي اليك طوق النجاة - 00:05:00

ولكن اخبروني من هذا الذي يثق انه يصل الى ليلة اول رمضان. قبل ان يدركه اجل. اللهم بلغنا رمضان يا رب العالمين. فاذا ما مات
الانسان قبل وشوفوا دايما اشتروا - 00:05:30

الصحيفة التي تنشر النعي اشتروها يوم تسعه وعشرين شعبان. يوم واحد احد رمضان ستتجدون انفسا كثيرة. ماتت قبل مغرب ليلة

اول رمضان ولو بدقاائق الاف مئات الالاف من الناس يموتون. كل واحد منهم كان يتمنى - 00:05:50

ان لو دفع دقاائق ليدخل في جوف رمضان ولو قبل الصيام ولو في ليلة الاول من رمضان ادركه من الله رحمة. فيه ناس يا اخواني ما بيسجدوش ابدا. ما بيسجدوش ابدا - 00:06:20

ابدا وهؤلاء رؤوس لا تدري اي رؤوس هي. رأس لم يستمتع قط بان يمكن الجبين من الارض وهو يرى لله سلطانا وجلالا. لذلك نحن عندما نقدم على هذه اللحظات نستشعر شعورا خاصا. وانا فاكر زمان لما كنت بخطب الجمعة - 00:06:40

في مكان واحد وانا من كانوا يرون ان المدرسة الواحدة يعني مكان واحد في خطبة واحدة اسبوعيا ودرس دائم هو المطلوب اصلا اذا كان الداعية يريد ان يبلغ. لانه شيء يؤسس - 00:07:10

ويصنع. فكنت في هذا الوقت في هذه في خطبة الجمعة اتكلم عن الشوابير التي شغلت النبي صلى الله عليه وسلم عن هذا الدين العاطفي الجميل. فلما فيه في از شعبان في غزوات في عز رمضان في غزوات في عز شوال في غزوات حتى في الاشهر الحرم في وقت الحج - 00:07:30

علشان الانسان يبقى قلبيا متتشوق يصوم ويقرأ قرآن ويصلي ويعيش حياة العاطفة اليمانية ولكن عليه ان يعلم ان دين الله اجل واعلى. هو صاحب رسالة لابد ان يسلكها. فكنت فتكلم مثلا لا انسى هذا وربما انتظم اكثر من خطبة. انه كيف دخلت شواغل التفاوض مسلا يعني - 00:08:00

امتى اجي بنو آجي بنو النضير او بنو قينقاع او بنو قريظة. وامتى ذهب ليحاصرهم وامتى سمع امتى خرج حتى الى غزوة احد؟ امتى حتى غزوة آيا المريضة وبني المصطلق - 00:08:30

انه الوقت حتى رمضان يفرض الصيام فيه سنة اتنين ويخرجوا للغزوة بدر سنة اتنين في نفس السنة علشان الانسان يعلم انه لا يختار الدين بمثيله العاطفي. مش ايوه انا عايز اذكر او اسبح - 00:08:50

او اصوم او يبقى خلاص لأ ده هو مكلف. انت عبد هو عبد الدين لله سبحانه هو الذي يشرع وينظم هو الذي يقول واديكم شايفين الاحداث التي نحن فيها. عشان كده - 00:09:10

نحن لا نختار طريقنا الى الله بهواننا. حتى لو كان هو فيه حب القرب الى الله انما نحن نختار الطريق الى الله باختيار الله. هو سبحانه الذي يحدد لنا كيف نسلك اليه - 00:09:30

هو انا اللي هقول هرضي ربنا ازاي؟ هو سبحانه اللي يقول انا ارضي عنك ازاي؟ انا ارضي بمزاجي انا عندي عامل في مصنعي العامل ده انا مش عايزه يعمل الحاجة الفلانية عايز - 00:09:50

تعمل الشيء الفلانى. مش هيستغل بمزاجه هو. انا اللي هو يرضيني بطريقتي انا. ولذلك الحديث اللي فيه ناس كتير من الناس الainique اللطيفة الجميلة يمكن ما يحبوش يقولوه بنصه. اللي هو ان ان - 00:10:10

الرائحة التي يكرهها الناس في فم الانسان في الصيام من تغير الفم دي حتى انا شخصيا ما بحبش اقول الكلام لاني بشعر انه يستدعي كلمة الرائحة غير الطيبة. ففعلا ما يحبوش ما احبش اقوله. طبعا مش ما يحبوش. انا يعني - 00:10:30

فتىجي يقول ايه تغير الفم نتيجة طول الصيام ده عامل زي روائح العرق جميلة والعطور في الآخرة في فتقول الله ليه؟ هتلاقيك انت بتعمل كده. تعال شف واحد باشمهندس عزيز - 00:10:50

ولا صاحب مصنع ولا صاحب مزرعة ويروح مسلا في شهر يوليه اللي احنا فيه ده الساعة سبعة تمانية الساعة آيا اتنين ثلاثة الظهر ولا واحدة الظهر للمكان بتاعه وهو جايب اتنين عمال يشتغلوا. لقى العامل الاولاني في منتهى النظافة - 00:11:10

والشياكة والبرفات والجمال وقاعد كده. والثاني بيتصبب عرق. وعليه اثار العمل واتساخ ومن تراب هيذعق لمين؟ هيخصم لمين؟ هيخصم للشيك المعطر. صح ولا لأ؟ هو عايز ناس تشتل هبيحب رائحة عرق العامل اللي بيكلد لانه يقوم بعمله. فالانسان اذا ما صدق الله يعمل احنا - 00:11:30

لو احنا تلاميذ في المرحلة الاعدادية بيت شعر. والله يا اخواني لا يزال لا يزال من ساعتها لغاية دلوقتي لان من لانه ادهشني بيت

الشعر ده ادهشني بشدة ساعتها. فلما ادهشني اخذ بكلتي ومن ساعتها - 00:12:00

لقيت واحد راجل محترم الله اعلم كان محترم ولا لأ ما عرفش راجل يعني كاتب بيت الشعر ده في العصر الجاهلي فكان يقول بيمدح نفسه يقول شعث مفارقنا. عارف يعني ايه شعث مفارقنا؟ يعني منعكشين شعري منعكش - 00:12:20

ه؟ شعث مفارقنا. فيه حد يمدح نفسه انه ننعكس؟ طبعا دلوقتي فيه ناس منعكسة لطيفة كده لكن لكن هو ساعتها يقول شعث المفارقنا تغلي مراجلنا. طبعا مش يعني ايه بقى معلش مش مهم دلوقتي. نقشوا باموالنا اثار ايدينا. يادي المصيبة - 00:12:40
بتمدح نفسك بال حاجات دي. لكن فسألت ابي رحمة الله على ابي يا رب العالمين. كان عامل كان احسن لي من جهاز كمبيوتر اي حاجة تدوس على الزرار اسمع السؤال اسهل الاجابة. وفي البيت وخاصة عربي اعرف عربي فقه ماشي. سياسة ما فيش مانع - 00:13:10
آآ اهو اي حاجة ان شاء الله حتى عايز تعرف التاريخ عايز انا لسة هافتح كتاب واتعب يلا ف قال لي هذا رجل لا يمتدح نعكلة نفسه. وانما يدعو همته التي تجعله يواصل الليل بالنهار. ما عندوش - 00:13:30

وقت يقعد اللي هي الاية فاذا فرغت فانصب. خلص خش في اللي بعده. هذه هم الرجال التي يصنع تصنعها العقيدة. وهذا ما نريد ان لو نفخناه في انفسنا بس على طهر - 00:13:50

يا اخواني اول حاجة لازم تعملاها وانا ما عنديش وقت طويل اشرح فيه الكلام ده وهيبقى صعب بس الكلمة انا مش قصدي المصطلح نفسه. اول حاجة انك تذبح الطموح. في الدنيا. صعب - 00:14:10

اوي الكلمة ما فيش طموح المسلم ما عندوش طموح في الدنيا. مش عايز حاجة ابدا. ابدا خالص. لا عايز مصر موقع ولا دنيا لا تشغله تفكيره. هو بيشتغل في حاجات وفجأة نبت في ذهنه انه عايز يشرب كوبية - 00:14:30

شاي يجوز انه يشرب شاي. انما يعيش عشان يشرب شاي بيشتغل وبعدين فكر انه جعان. اللي ما يعيش عشان وهو بيشتغل قالوا له ياه ده انت شاطر قوي تعال امسك انت رئيس اللجنة يمسك رئيس اللجنة انما يعيش وعيشه على انه يوصل - 00:14:50
رئيس اللجنة كل هذه ادناس قلبية. قلب بيتسخ منها انه لا انه يحصل فيه لذلك اي شيء في اي وقت يصيب القلب من الطموح في الدنيا والله - 00:15:10

عزيز يا اخواني ولو عربية حلوة ماشية جنبي. ولو التعلق بسيارة ولو قصر ولو بيت في وسط زحمة القاهرة كده زمان وانا ماشي لقيت فيلا لطيفة صغيرة بس في مكان هادي قوي قوي - 00:15:30

و فيه عصافير تزقق قلت الله! اهو ده سكن جميل. فاللي جنبي وجزاه الله خيرا ولا زلت اذكره واعرف ومن هو وهو من المشاهير اليوم قال لي ان شاء الله ربنا يرزقك يا رب العالمين مثلها في الجنة واحسن - 00:15:50

انا ساعتها حسيت كانه انا فعلا بترتكب ذنب. ايه ده! انا عايز بيت عايز ما كنتش عايز ولا حاجة انا عاجبني زققة العصافير في هذه في وسط القاهرة اللي بتخبط في بعضها. انما القلب ليظهر لازم ما يبقاش فيه الطموح في - 00:16:10

الدنيا ابدا ما فيش طموح ما فيش لها و تعرفه ازاي؟ اما تيجي تحط دماغك على المخدة. اما تفك او تسرح اذهب بك الخيال شوية ويرجع لك وتلاقي نفسك بتتفكر في شيء دنيوي اعرف ان اللي جوة قلبك هي سرحات دي ربنا - 00:16:30

بها عشان تعرف اللي في قلبك عبارة عن ايه بالضبط. هو ده الطفو اللي بيطفو فيه ما في القلب. تعرف ان قلبك دنيا في دنيا امال الدين ايه اللي قاعد اتكلم فيه! اه ده الفكر بقى. والتنظير خطابة والكلام انما اللي في نفسك - 00:16:50

هو السرحان اسمه ايه السرحان بالعربي؟ الله يفتح عليك. الشرود انك تشدد شرود لما تشدد كده الشاردة دي دي نعمة من ربنا من اعظم النعم الایمانية في حياة المسلم السرحان. بس احنا مش واخددين بالنا. السرحان ده بيعرفك حقيقة القلب ده شيء ربنا باعته لك. ولذلك - 00:17:10

انا قلت يجي خمسين سنتين سبعين مرة على الاقل. ويمكن زيادة عن كده بكثير عبر السنين. قلت لك شل في جيبك ورقة كل ما تسرح وترجع من السرحان طلع الالم كده واكتب انت كت سرحان في ايه وحط الورقة تاني وما تشيلهاش من جيبك - 00:17:40
تغير اللي لابسه تحط الورقة. وبعد فترة شف العشرة خمسة اشهر عشرين موضوع اللي انت كتبته في الورقة السرحان اللي انت

سرحتها. هذا هو قلبك الذي سيأتي يوم القيمة. يوم تبلى السرائر. يعني يوم تختبر - 00:18:00

السريرة هو ده قلبك. اسود او ابيض بقى. انت شف جدول المحاسبة اللي بتعملوه حضراتكم صليتوا وزكيتم زكرتوا الكلام ده مهم ولكن اقل اهمية بكثير من جدول السرارات. لأن جدول السرارات ده هو ده اللي بيكتشف لك انت قلبك - 00:18:20

عبارة عن ايه بالزبط؟ دنيا ولا اخرة؟ مصلحة شخصية ولا تجرد؟ فاذا وجدت خيراً فابكي ابكي ان الله جعل قلبك موصولاً به. واذا وجدت ان تناسق القميص مع البنطلون والعربيات - 00:18:40

ماركتها ايه والموبايل اللي بيقى زي فلان اصل مش معقول افضل شايل الموبايل الفلامي لغاية دلوقتي فاعلم مش كلها حاجات مشروعة وحلوة ومش حرام. كل ده هو ده انا قلت عن حاجة حرام! ما فيش انا مش الجماعة التيار الاسلامي اللي بيحرم الجزر والخيار - 00:19:00

لا دي مسألة حلال لكن هو كل حلال يعيش في القلب يعيش في القلب واحد كل ما يدخل على زوجته تقول له عايز عايزه هات لنا هات لنا رح رح تعال لما هو حتى لو كلها حاجات هي من حقها عندها - 00:19:20

طالب بيت عندها مطالب بيت وشنب مشروع لكن هو لم يمل من المطالب هو مل من الادامة مش معقول كده طب خلي خمس دقائق كله هات هات ما فيش مرة خد. قالت له طب خد صلح لنا الوابور ده - 00:19:40

طبعاً فرصة انت معزكم مش متجوزين فما حدش مش واحد باله ان الكلام ده متجوزين كان الله في عمق رينا يعينكم يا رب. طيب طب لا ده انت متجوزين ولسه مصممين على الطريق ربنا يجزيكم خير. انا الجواز - 00:20:00

الحقيقة من الناحية العملية هو سنة وحاجة جميلة وكل حاجة. اه والله اريحها. انما الجواز من ناحية الاستقراء العملي انا شفت انه بيلغي خمسة وسبعين في المية من قدرة الانسان الوعية العاقلة المركزة - 00:20:30

كان بيقى معي اخ مركز كده ومحترم جداً. وبعدين بعد ما يتجوزوا شوية خمسة وسبعين في المية من قدرته العاقلة دي تروح خالص الحاجة الثانية انه كان بيودي خمسة وسبعين في المية ايضاً من رباط الجأش. ببتدئي يخاف - 00:20:50

بقى على ها فالحمد لله فربنا الحمد لله ان انت لسه ثابتين. ايه الاخوة طالت بنا هذه الكلمات ولكن والله دي كلمات غالبة جداً من من من دين ربنا عز وجل. نيجي بقى لموضوع اللي هو - 00:21:10

واحنا الحقيقة يعني حاطينه الان تحت المجهر. اولاً انا عايز اتكلم في نقاط محددة علشان وضوح المعاني. اول شيء يا اخوانى احنا اكتر ناس ان شاء الله نحرض على استقرار درجة الاستقرار - 00:21:30

في مجتمعاتنا وببلادنا واوطاننا. نحب الهدأ والا نهيج المجتمع لكن كما قلت من قبل صرخة سمعتها الساعة مسلاً اربعة صباحاً في ليلة شاتية صرخة افزعـتـالـجيـرانـ وـافـزـعـتـكـلـ وـاحـدـ سـمعـهـاـ. فـلـماـ نـزـلـتـ لـقـيـتـ الـصـرـخـةـ دـيـ عـمـلـاـهاـ - 00:22:00

اعملها الباب المسئولة عن بوابة العمارة. اللي مسئولة عن انه يقفل ويحافظ على السكان هو الذي هييج السكان. فلما قمنا قال ده في واحد لص بيسرق عربية فكسر الهواية وفاتح العربية - 00:22:30

فانا بستغيث لم يلمه احد على انه هييج الجيران ولكن بالعكس امتدحوه انه ايقظهم لمواجهة حالة السرقة اللي بتحصل. نحن ازا ما كان المجتمع مستقراً وامتدت اليه تحيل احراره عبidea فمواجهة العبودية دي والاستعباد ما ينفعش تسميه عدم استقرار - 00:22:50

تهبيج استقرار. ولو سموه كده يتفلقوا. بصراحة ليه؟ لأن النبي عليه الصلاة والسلام كان في المدينة ومعه فيها يهود والدنيا ماشية وبينه معاهدة وآخر جمالهم والمعايشة مية في المية ما فيش حاجة. اليهود دول مسوا - 00:23:20

كرامة امرأة مسلمة في السوق. فحرك النبي عليه الصلاة والسلام الامة للاخراج شف كلمة للاخراج من المجتمع هيخرج العيلة دي كلها الفضيل ده كله اللي هو كانوا مين اه قينقاعة يخرجهم من المدينة كلية برة. طب معلش طب زي بعضه طب - 00:23:50

فوقعة واحدة يعني طب ندفع طب نعمل انتهى. فاحنا يا اخوانى لا نستطيع ان تكون والا هي دي اجيال ممكـنـ تكونـ حـصـلـتـ نـكـونـ منـ الليـ قـاعـدـينـ يـبـتـلـعـواـ الـاهـانـاتـ. اـهـانـةـ وـاتـنـىـ وـابـلـعـ وـالـعـقـ - 00:24:20

والحزم والاهانات الى ان يتتحول الانسان جسدا من مهانة. جسدا من مهانة ما لوش اي اطلاقا اي شعور بان مع انه الاسلام مش كده.

الاسلام بيقول انه ما تبقاش كده ابدا وانا - 00:24:40

طلبت لكم الامثلة بالایات لما قلت لكم انه قبل ان يندد الله بفرعون ندد بالمظلومين تحت حكم فرعون. قلنا الكلام ده خمسين مرة ان ربنا سبحانه وتعالى بيقول فاستخف قومه فاطاعوه وقبل ما يقول انه - 00:25:00

وحش قال انهم كانوا قوما فاسقين. بتشتم المظلوم طبعا الله لا يشتم احدا لكن يعني يندد بالمظلوم قبل ان يندد بالظالم. لأن المظلوم يقبل الظلم عنده شخصية قابلة انت مستعد اهينك ما اهينكش ليه؟ خلاص انت - 00:25:20

انا بشوف انت بتقبل لغاية فين. فاذا استقرار المجتمع ما يهزكوش الكلام ده. لأن هناك من يريد ان يندد باستقراء ان يهدد المجتمع دايما ونحن لن نورث البلد لعيid واحد اعايشين ويتقاول ان هم دول مش يتقال دنيا - 00:25:40

انما يعني الاجيال يحاسب بعضا في دراسة التاريخ. لما ربنا سبحانه وتعالى بيقول فكرروا في الامم اللي من قبل امشوا مناكم الارض وهكذا. طيب يبقى نمرة واحد ما حدش يهزكم بالكلمات - 00:26:00

المطلقة اللي اي كلام دي. نمرة اتنين احنا لما صدر الاعلان الدستوري وانا زكرت لو حضراتكم متذكرين في اللقاء اللي هو ازن سابق مباشرة. ذكرت فيه هي الاشياء اللي موجودة في الاعلان الدستوري؟ ولعلني ذكرت ايضا - 00:26:20

في حديث الامس وان كانت مشكلة حكاية ان ان تبقى الخطة البرامج التليفزيونية دي بتبقى الخطة موجودة فيها انه ما يديش فرصة الاجابة الكاملة وعايز يعني الافكار دي ما توصلش كلها. فدایما تبقى فيها انما انا ذكرت مبدأ سرقة حق السيادة - 00:26:40

انا مش بتتكلم دينا مش بتتكلم عن عن القواعد الدستورية الموجودة في حاجة اسمها ان سيادة للشعب. حق السيادة ده سلطة اسمها كده في القانون السوري سلطة السيادة. لما تشيل سلطة - 00:27:00

كاد بالاعلان الدستوري ده من اللي بيحوزها اللي هو طبقا للدستور الشعب. وتنقلها لحد تاني ده انت عملت عمل نادر في التاريخ عمل نادر عمل نقلة غير لم تحدث ابدا قط اللي هي نقل سلطة السيادة - 00:27:20

نفسها ليحوزها مجلسان على سبيل التناعيم اللي هو مجلس العسكري والمجلس الدستوري زي الوضع في تركيا بالضبط. ان تركيا هناك العسكري لهم دور حكم على الشعب. والمحكمة الدستورية لها دور - 00:27:40

حكم على الشعب. فيبقى دول السيدين الكبارين والشعب تحتهم في حدودهم اشتغل. الكلام ده اضحوكة في العالم الكلام ده ما حدش يقبله. الكلام ده امريكا وفرنسا وانجلترا والاسرائيليين وكله يقول لك ان الشرف العسكري ان يوجه اليك الرئيس المنتخب من الشعب ورقة كده ربع ورقة كراسة فيها امر عسكري. فتستجيب - 00:28:00

الاماكن دي الشنطة اللي بيسموها فيها الشفرة النووية في ايد رئيس الجمهورية. مش انت شفتم اولاند بيستلم من ساركوزي بيقابلوا بعض ليه؟ انا قلت بيقابلوا بعض ليه في قصر الاليزيه؟ ما الرجال يروح يوم مسلا الاتنين ييجي الرئيس الجديد يوم - 00:28:30

الثلاث دول كانوا خصومة. يقول لك لأ ده لابد ان يسلمه في يده اشياء من ضمنها حقيبة اللي بيسموها الحقيقة التي تحوي الشفرة بتاعة السلاح النووي. طب والجيش؟ جيش ايه يا بييه؟ ده ده الذي يمثل الشعب ده الرئيس اللي انتخبه الشعب. لزلك هؤلاء - 00:28:50

فيما عادوا يرون بلاد العالم الثالث الا عبidea من نوع اللي بيقبل الاستبعاد. بيتفاوض طب تاخد ايه وتمسك ايه وانا امسك ايه عشان كده يا اخواني لما حصل مسألة الاعلان الدستوري ونزلوا الناس لميدان التحرير انا باقولها لكم بصرامة اهو ما انا ما بها جمش - 00:29:10

حد على فكرة لا اقصد اني اهاجم حد. انما انا خايف ان مسألة النزول وعمل ضجة شوية ايام وبعددين تلم الدور يبقى دي هي الطريقة بتاعة انت بتستوعب غضب الناس - 00:29:30

وتروح تنايم. تستوعب الغضب وتطلع ما انا مش آآمش استوعب الغضب. انا في الاول كنت بتنزل امنعك ما نفعتش. لا تنزل انزل معك. وبعددين بعد ما انزل معك واعمل شوية حاجات كويسة وانت كده تشعر فعلا بانه تمام - 00:29:50

ادرج الموضوع واروح. خلاص حصلت الحكاية دي. ده ده بس في اسبوع واحد ولا في اسبوعين مش عارف في اسبوعين من يوم اتنين ستة ليوم ستاشر ستة حصلت اربع مرات. صدر الحكم - [00:30:10](#)

بتاع حسني مبارك الناس نزلت وراحت مروحة. صدر ان شفيق هيكمي الانتخابات راحوا نازلين وراحوا مروحين. حصل تلاعيب في الجولة الاولى من الانتخابات الرئاسية نزلوا والمرة دي بجد مش هنسبيها لحد وبعدين سبوها لحد وروحوا - [00:30:30](#)

وبعدين اه اي والله انا شفت ناس يعني من النماذج الكبيرة نازل وبيهتف المرة دي بجد مش هنسبيها لحد ومن ساعتها ما شفتوش وفضل شفيق وقال ساعتها قال احنا يعني هو مرشح كان رئاسي. قال انه ما فيش انتخابات اعادة الا - [00:30:50](#)

لو طبق قانون العزل السياسي والمرة دي بنقولها بجد وراح قايل المرة دي وبعدين خلاص وبعدين بعد كده تمشي شوية تلاقي الواقعه بتاعة الاعلان الدستوري. طبعا اسهل حاجة ازكي انك بتستوعب الناس وتروح وخلاص. احنا - [00:31:20](#)

الحقيقة لما حصلت مسألة الاعلان الدستوري خدنا فعلا لقينا ما شاء الله الناس وبصراحة وبيقولوا ان احنا لا يمكن نغادر الا بعد ان يسقط الاعلان الدستوري وقالوا صراحة ان احنا مش نازلين علشان اعلان الانتخابات الرئيس ولا عشان احنا علشان الشيء الفلانى - [00:31:40](#)

فاحنا في الحقيقة الادب ايه اللي الحقيقة واضح انه يعني بوز لنا الدنيا حاجات كتير ان شاء الله ما بيبووش ولا حاجة اللي هو انه خلاص ما دام هناك بفضل الله صدور كفر لتسود المواقف فحن في الساقه. يعني ايه احنا في - [00:32:00](#)

في الخطوط الخلفية. ما كان يدور بخلدنا انه بعد هذا الاعلان اليومي ان يحصل تعليق للاحداث يعني يعلقوها ويروحوا مسلا الفترة اللي هم موجودين. ايه السبب؟ ما تضحكش على ما تقوليش انا هعلق لغاية يوم عشرة سبعة. اصل عشرة سبعة ما فيهوش حاجة تعلق لها. عشرة سبعة حتى لو كنت بتتكلم عن - [00:32:20](#)

مجلس الشعب هل يرجع ولا ما يرجعش؟ الناس نازلة مش عشان مجلس الشعب صحيح ده شيء مهم لكن نازلين علشان الاعلان الدستوري والاعلان الدستوري ما فيهوش حكم يوم عشرة سبعة. يبقى تعليق الاحداث هو عبارة عن تنويم الهمة - [00:32:50](#)
تنويم الهمة عن عن خفض ما عند الناس من تيقظ وتتغير الامور واديكم شايفين انهم بيحاولوا وبقولها لكم بصراحة يعني. انهم بيحاولوا يعملوا حراك شعبي من نوع اخر - [00:33:10](#)

اللي عنده بقى مشكلة في شركته واللي عنده موضوع مالي واللي عنده موضوع آآ ولسه مشاكل فتننة طائفية هتظهر ومشاكل هتلاقي التصنيع كتير بحيس ان في الاخر تروح المسألة القديمة. زي ما الرجال كان بيقول لي ما هو ده لسه - [00:33:30](#)

ما حصلش اه بس النص وجد. انا باقول لك من حقي ان انا اخد بيتك. ولسه ما خدتوش. اسيب النص القانوني موجود بحيس بقى من حبك في اي في وقت ولا امنع اساسا ان يكون لك هذا الحق؟ عشان كده انا حزنت حزنا شديدا جدا جدا - [00:33:50](#)

من مبدأ تعليق الاحداث تعليق رد الفعل. لانه بصراحة لو الجماعة بتوع خمسة وعشرين ينابير كانوا روحوا وعلقوا خمسة وعشرين ينابير شوية ولا كانوا خلصوا. وانتم شفتم ان في بعض البلاد كانت بتنزل يوم الجمعة بس وبقية الاسبوع بتشتغل وتنزل - [00:34:10](#)
يوم الجمعة قعدوا سنة وشوية. فاحنا ما فيش حاجة اسمها شيء تعلقه تروح تهدى وبعدين ترجع تاني وبعدين تروح وبعدين ترجع معناها ان في فعلا خطوة نحو اضاعة الحدث. ولازم نبقى نبقي صراحه وقاطعين لان الحقيقة كتير - [00:34:30](#)

كترت بقى يعني مش هفضل احنا مش معقول هفضل نداري ونخبي ما هي حاجة فزيعة. لكن الحقيقة عشرة سبعة هانت ما هي القطع حصل فجأة زي بعضه اتصلوا بي فجأة وقالوا لي الاعداد بتخف بتخف بتخف طب في كتير - [00:34:50](#)

اجتماع يوم النهاردة الساعة واحدة الضهر لتعليق الاعتصام. تم تعليق الاعتصام فوجئنا بالفراغ اللي كان موجود. ولذلك انا احبي اي اللي لسه متواصلين ومستمررين حتى الان. لانه فيه ناس لم تغادر حتى الان. وانا في الحقيقة يعني اشعر - [00:35:10](#)

اشعر بفخر وارجو انهم يستمروا في هذا. لكن يوم عشرة سبعة خلاص فاضل يومين. الحد والاثنين. عشرة سبعة وهو يوم التلات. فاهم احنا هنتنزر اليومين دول اللي هم عشرة سبعة. مش لان الانتظار صح ولكن لان الانقطاع حصل فعلا خلاص. فبقينا بس بنشوف مدي - [00:35:30](#)

للنقطاع ياخد يومين كمان ولا لأنه مش هيتفع ان احنا يعني برضو احنا مش عايزين هنبني على انه على الصدق طب لسة فيه بصدق الناس دي لسه صادقة ومستعددين فعلا وناوبيين فعلا والقضية هي الاعلان الدستوري فعلا. ولم يكونوا - 00:36:00 تخدعون الناس ولم يكونوا يغشون ولم يbedo لهم غير الذي كانوا يقتلون والكلام ده كله. خلاص حلو اوي يبقى يوم عشرة سبعة يجب ان ان يعلن ان الذين كانوا في الميدان عادوا لهذه الفعالية مرة - 00:36:20

طيب ما حصلش كده ؟ لأن لحظة واحدة. ما انا هاقول لك اهو. ما حصلش كده ، وده وارد انه ما يحصلش. وخصوصا مع بدء تشعيـب المطالب بقى ان دلوقتي بقت مطالب ايه طب كذا طب كذا بحيس ان في الآخر ترجع الدنيا تتوه مرة - 00:36:40 في هذه الحالة يا اخوانى انا ادعو حضراتكم ومن ورائكم وانتم اتبغوا كل يعني بقدر المستطاع واذهبوا الى الرموز والى غير الرموز والى الناس. والى الدعاة والى السياسيين والى المشايخ والى 00:37:00

المساجد الكبيرة والى الاحزاب والى الائتلافات والى كل احد. اذهبوا اليهم حتى من المحافظات نحن يوم الجمعة القاـدـم ان شاء الله عز وجل في ميدان التحرير ليس بلازم ان يبدأ ذلك من صلاة الجمعة اذا كان الناس تستشعر الحر الشديد والاجهاد والتعب الشديد. انما ممكن من الساعة ستة مساء - 00:37:20

سـعـر او خـمـسـة مـسـاء. وليـسـ على اـجـنـدـةـ على بـرـنـامـجـ ايـ حـدـ نـازـلـ وـانـمـاـ عـلـىـ سـنـدـدـهـ نـحـنـ اـنـ شـاءـ اللهـ. وـغـالـبـ الـامـرـ وـاـنـاـ بـقـوـلـهـاـ بـوـضـوـحـ جداـ انـ الـمـسـأـلـةـ اوـ مـشـ الـامـرـ مـشـ هـيـكـوـنـ يـوـمـ وـنـرـوـجـ. وـمـشـ هـيـكـوـنـ يـوـمـ وـنـرـوـجـ. اـنـمـاـ هـنـعـمـلـ اـزـايـ؟ـ هـنـقـوـلـ سـاعـتـهـاـ اـنـ شـاءـ اللهـ - 00:37:50

انما ازا ما بقى الاعلان الدستوري وده جايز يحصل لاقدر الله بقى بقى واحنا بنقول احنا ما قدرناش احنا اخر من بقى. احنا الفئة التي لم ترتضـيـ طـفـيـانـ فـرـعـوـنـ - 00:38:20

لم يستخفـناـ فـاطـعـنـاهـ. اـحـنـاـ فـيـهـ ظـلـتـ ثـابـتـةـ عـلـىـ الشـيـءـ المـمـنـوـعـ. وـعـاـيـزـ اـقـوـلـ لـكـمـ حـاجـةـ. اـنـتـمـ فـاـكـرـيـنـ اـنـ اـحـنـاـ زـعـلـانـيـنـ مـنـ الـاعـلـانـ الدـسـتـورـيـ الـاعـلـانـ الدـسـتـورـيـ دـهـ مـجـرـدـ الـبـوـبـاـةـ الـلـيـ هـيـحـطـوـاـ مـنـ خـلـالـهـ الـاـحـكـامـ فـيـ الدـسـتـورـ - 00:38:40 الجديدـ الـلـيـ تـخـلـيـ العـسـكـرـ يـسـتـمـرـ سـيـادـتـهـمـ. زـيـ ماـ حـصـلـ فـيـ تـرـكـياـ وـالـلـيـ يـخـلـيـ مـحـكـمـةـ دـسـتـورـيـةـ مـتـصـنـعـةـ بـالـأـنـتـقـاءـ يـسـتـمـرـ سـلـطـانـهـاـ. عـشـانـ كـدـهـ اـحـنـاـ عـارـفـيـنـ اـنـ الـمـوـضـوـعـ دـهـ اـذـاـ تـهـاـوـنـ اـلـاـنـ اـنـتـ بـتـدـخـلـ مـصـرـ تـحـتـ اـحـتـلـالـ عـسـكـرـيـ. صـدـقـوـنـيـ دـهـ اـسـوـأـ مـنـ حـكـمـ حـسـنـيـ مـبـارـكـ. اـنـتـ بـتـدـخـلـ - 00:39:00

مـصـرـ فـيـ سـيـادـةـ عـسـكـرـيـةـ عـلـيـهـاـ مـنـ جـدـيدـ. تـرـكـياـ زـيـ ماـ ضـرـبـتـ لـحـضـرـاتـكـمـ الـمـتـلـ كـانـ كـلـ ماـ يـشـمـوـ نـفـسـهـمـ دـيمـقـراـطـيـاـ يـحـصـلـ انـقلـابـ يـشـيلـ الـلـيـ اـنـتـخـبـوـاـ دـيمـقـراـطـيـاـ وـيـمـسـكـوـاـ عـسـكـرـ مـرـةـ اـخـرـىـ. وـلـسـهـ هـقـوـلـ لـكـمـ حـاجـاتـ هـنـعـمـلـهـاـ دـلـوقـتـيـ اـنـ شـاءـ اللهـ - 00:39:30 اـحـنـاـ فـيـ الـحـقـيـقـةـ مـشـ هـنـقـتـصـرـ عـلـىـ مـيـدـاـنـ التـحـرـيرـ. لـاـنـ الـاـقـتـصـارـ عـلـىـ مـيـدـاـنـ التـحـرـيرـ بـيـخـسـرـ النـاسـ عـنـصـرـ اـنـ الجـمـاهـيرـ تـبـقـيـ فـهـمـاـهـمـ. الـحـقـيـقـةـ اـنـ يـجـبـ اـنـ الـحـرـاكـ يـصـبـحـ مـوـجـوـدـ فـيـ الشـوـارـعـ كـلـهاـ. وـالـمـيـادـينـ كـلـهاـ مـهـمـاـ كـانـتـ الـاـعـدـادـ قـلـيلـةـ. فـيـ كـلـ الشـوـارـعـ وـفـيـ كـلـ - 00:39:50

المـيـادـينـ وـفـيـ نـفـسـ الـوقـتـ اـنـ يـوـاـكـبـوـاـ عـنـصـرـ التـفـهـيمـ وـالـشـرـحـ لـجـمـاهـيرـ النـاسـ لـاـنـ فـيـهـ نـاسـ مـتـصـورـ اـنـ مـجـرـدـ اـنـ يـقـدـرـ يـشـغلـ مـيـكـرـوـبـاـصـهـ مـسـلـاـ اوـ التـوـكـتـوكـ هـوـ الـاـسـتـقـرـارـ الـلـيـ هـوـ عـاـيـزـهـ وـخـلاـصـ. وـلـذـلـكـ اـحـنـاـ الـحـرـاكـ الـلـيـ اـحـنـاـ بـنـتـكـلـمـ عـنـهـ دـلـوقـتـيـ نـتـمـنـىـ الـاـنـجـدـ - 00:40:20

اـنـ اـنـ النـاسـ خـسـرـتـ كـرـامـتـهاـ وـاصـبـحـتـ آـ وـتـرـكـتـنـاـ وـحدـنـاـ. اـنـمـاـ حتـىـ لـوـ دـهـ حـصـلـ هوـ فـيـ شـيـءـ مـشـرـفـ اـكـتـرـ مـنـ كـدـهـ طـولـ عمرـنـاـ مـنـ عـلـىـ المـنـابـرـ دـيـ بـنـغـنـيـ قـاعـدـيـنـ نـفـيـ وـنـقـوـلـ اـنـسـ بـنـ النـضـرـ فـيـ غـزـوـةـ اـحـدـ لـلـوـفـاءـ - 00:40:50

اـهـ لـعـهـدـهـ مـعـ اللهـ وـجـدـ المـشـرـكـيـنـ بـيـحـارـبـوـنـ الـاسـلـامـ وـالـمـسـلـمـيـنـ تـارـكـيـنـ السـاحـةـ فـحـرـ لـنـفـسـهـ وـنـزـلـ حـتـىـ مـنـتـصـفـ جـسـدـهـ فـيـ الـارـضـ ليـجـبـ نـفـسـهـ عـلـىـ دـعـمـ التـقـهـقـرـ. وـقـالـ اللـهـمـ اـنـيـ اـبـرـأـيـكـ مـاـ يـصـنـعـ مـاـ يـصـنـعـ المـشـرـكـوـنـ وـاعـتـذـرـيـكـ مـاـ يـصـنـعـ الـمـؤـمـنـوـنـ. وـبـقـيـ يـحـارـبـ لـغـاـيـةـ مـاـ تـقـطـعـ مـنـ الـحـرـبـ - 00:41:10

كـنـاـ بـنـقـوـلـ كـدـهـ عـلـىـ الـمـنـابـرـ. طـبـ هـمـ سـابـوـهـ لـوـحـدـهـ. دـلـوقـتـيـ لـمـاـ تـلـاقـيـ سـابـوـنـاـ لـوـحـدـنـاـ نـقـوـلـ خـلاـصـ هـنـعـمـلـ اـيـهـ ؟ـ لـأـ اـحـنـاـ نـجـتـهـدـ فـاـذـاـ مـاـ

تخلى الناس جميماً. ولذلك انا ارجو وانا متأكد ان احنا ان شاء الله سنكون عدداً كبيراً باذن الله - 00:41:40

ايها الاخوة يوم الجمعة القادمة. نحن ان شاء الله عز وجل حسبة لله وحضوراً بين يديه تأدباً معه وانصياعاً لما لحيائنا من الله عز وجل نحن في ميدان التحرير على الاقل من الساعة - 00:42:00

خمسة او ست خمسة مسلاً. خمسة عصراً علشان يبقى الحر انكسر. والناس نقدر بقى عندنا يعني عندنا وقت ان شاء الله ان شاء الله. ان شاء الله. ما هو احنا هيبيقى عندنا جمع وهنصلـي الجمعة وهتبقى - 00:42:20

شاء الله التراويف والقيام والاعتكاف ربنا يوفق ولكن انا اطمع على الله عز وجل دل ان المسألة تخلص قبل كده باذن الله تعالى. ان شاء الله. لو نزل معنا لو نزل معنا اي تيارات تانية نسيطر على المكان علشان ما يتعملش مني بعد كده. خلاص - 00:42:40

احنا اعملوا لجنة لجنة من اللي بيعرفوا ازيك يا عم انت فين يا استاذ؟ تعال سلام عليكم اهلاً ومرحباً اهلاً اهلاً. انا جميـي بقى هنا في الف مرحباً حيـاك الله ربنا يبارك العفو الله يكرـمك - 00:43:00

فانا انا هسمع بقى من الكل بس انا عايز اقول هذا الكلام اما فيما يتصل بمسألة نشوف حكاية اللجنة دي ان شاء الله الوقتي. بس ارجو ان احنا نشتغل شغل جامد في جامـع الناس لانه فعلـا - 00:43:20

نحن نقصد عملاً كبيراً. نحن نقصد عملاً كبيراً. رئيس الجمهورية اكرمه الله مش جزء في الموضوع ده. دي قضية الشعب. يعني هو افرض انه علشان الحرص على البلد زي ما انا قلت وفي ناس ما فهموش هزا البيان. مع ان البيان ده اصعب من البيانات الصريحة المباشرة واشد - 00:43:40

بس هم ما قدروش يدرکوا ما فيه. فاذا كان الرئيس حرصاً على البلد حاول ان هو علشان يتولى سلطاته. خلاص هو برة الموضوع دلوقتي هو في موضوعه وان احنا ان شاء الله باذن الله داعمين ومؤيدين وربنا يوفقه يا رب. لكن قضية الاعلان الدستوري - 00:44:10

دي قضية الشعب. هيستمر فيها. الشيء الثاني فيما يتصل بالانتخابات اهـ الاحزاب والبرلمان احنا يا اخوانا ارباب عقيدة موضوع الانتخابات والاحزاب والكلام ده لا احنا بناخده آآ فكر ولا منهج ولا عقيدة لا انت زي ما النبي عليه الصلـة والسلام وجد مثلاً ان العائلية القبلية هي التي - 00:44:30

الاعراف في مكة ومع انه بالدين حاول يعني يحاول معالجة حكاية القبلية العائلات وو انما هو استخدم هذه العائلية في البداية. استخدمها على الرغم من انها نسق الاسلام مش عايزه كده. انما استخدمها فقبل ان يجـيره بنـو عبدالمطلب وبنـو - 00:45:10
عبد مناف وبنـو هاشـم قبل ان يجـيرـوه. وقال من بعدهم من يـحـمـيـني من يـجـيرـني حتى اـبـلـغـ رسـالـتـي رـبـيـ فـقـلـ قـانـونـ الجـوارـ انـ جـاهـلـيـ يـجـيرـ علىـ قـومـهـ. وـقـلـ كـلـ دـهـ لـيـهـ ؟ـ اـنـ - 00:45:40

افادة من القوانين القائمة فعلـاً وانـ كانـ هوـ سـيـغـيرـهاـ وـسـيـكـونـ ضـدـهاـ. اـحـناـ دـلـوقـتـيـ هـمـ عـاـيـزـينـ بـيـجـمـعـواـ حاجـةـ اـسـمـهـاـ التـيـارـ التـالـتـ بـيـجـمـعـواـ العـلـمـانـيـينـ معـ الـلـيـبـرـالـيـينـ معـ الـمـسـيـحـيـينـ معـ الـحـزـبـ وـطـنـيـينـ معـ الـجـمـاعـةـ الـلـيـ الـامـانـةـ - 00:46:00

اـكـدـهـمـ معـ وـيـحـاـلـوـاـ يـعـمـلـواـ كـدـهـ اـيـهـ تـرـكـيـبـةـ. يـقـولـ لـكـ دـهـ الـبـدـيلـ. طـبـعاـ معـ الـسـيـاسـيـينـ الـحـرـكـاتـ السـيـاسـيـةـ الـلـيـ مـوـجـوـدـةـ. بـحـيـسـ انـ التـيـارـ السـيـاسـيـ دـهـ يـبـقـىـ بـدـيـلـ يـطـرـحـ نـفـسـهـ عـلـشـانـ الـلـيـ عـلـيـهـ عـقـيـدـةـ النـاسـ وـلـذـكـ اـنـ قـلـتـ لـهـ - 00:46:20

اـنـكـ مـشـ ضـدـ الـدـيـنـ. قـولـواـ كـلـمـةـ فـيـهاـ طـمـانـةـ. اـتـكـلـمـواـ وـقـلـواـ لـأـ وـالـلـهـ اـحـناـ كـمـانـ هـنـطـبـقـ الـدـيـنـ. اـحـناـ مـشـ يـعـنـيـ اـحـناـ مـشـ ضـدـ الـدـيـنـ اـحـناـ ضـدـكـمـ اـنـتـمـ يـاـ بـتـوـعـ الـاسـلـامـ السـيـاسـيـ يـاـ وـحـشـينـ. سـاعـتهاـ اـحـناـ هـنـفـرـحـ. نـاسـ عـاـيـزـةـ تـطـبـقـ الـدـيـنـ بـسـ شـاـيـفـينـ اـحـناـ وـحـشـينـ مـنـ حـقـهـمـ - 00:46:40

جاـيزـ اـحـناـ وـحـشـينـ فـعـلـاـ. لـأـ دـهـ مـشـ حـضـرـتـكـ اـنـتـ فـجـاـيزـ كـدـهـ. فـبـالـتـالـيـ اـحـناـ نـقـولـ لـهـمـ عـلـىـ مـهـلـكـمـ عـلـيـنـاـ اـمـاـ انـ تـعـلـنـواـ مـوـقـفـكـمـ مـنـ تـطـبـقـ الـدـيـنـ مـشـ مـنـ الـدـيـنـ يـعـنـيـ اـهـ وـالـلـهـ الـدـيـنـ حـاجـةـ حـلـوـةـ لـأـ هـتـطـبـعـ - 00:47:00
اـزـايـ؟ـ هـتـعـمـلـ اـيـهـ؟ـ وـاـمـاـ اـنـكـ يـبـقـىـ صـدـقـ عـلـيـكـ اـنـ اـنـتـ مـعـتـرـكـ بـتـجـمـعـ عـدـاءـ لـهـذـاـ الـدـيـنـ. طـبـ وـفـيـ المـقـابـلـ عـنـدـنـاـ نـاسـ الـحـقـيـقـةـ طـبـيـبـينـ اوـيـ. طـبـيـبـينـ قـاعـدـيـنـ يـسـبـوـاـ وـالـدـنـيـاـ قـاعـدـةـ تـرـوـحـ. لـذـكـ اـحـناـ - 00:47:20

الرحمن ان شاء الله عز وجل اذا اراد الله وقدر سيكون عندنا دور كبير جدا في المرحلة القادمة انا اتمنى الا يحل مجلس الشعب والشوري والا تجري انتخابات حاليا. يا ريت - 00:47:40

طب اديني تليفونك عشان لو اتحل بقى خالص فاتمنى هذا انا اذا حصل لاقدر الله انه حل لازم تعمروا حسابكم ان احنا ما عندناش امكانية ان احنا نبقى على جنب. ما عندناش هذه الامكانية - 00:48:00

ما عندناش امكانية آآ عدم خوض. ما ينفعش. كنا نتمنى ومش مش عايزين. ومش جاهزين خالص ومش لاقين شخصيات وجايزة نختار شخصيات تتحسب علينا. والموضوع صعب وكل حاجة لكن نحن سترفع الفكرة العقيدة. سنجمع الناس حول بلورة الشيء الواضح. بحيث على الاقل - 00:48:30

مش معقول نستغفل عشرين تلاتين مرة في سنة ولا سنة ونص. ونسبة الموضوع بنفس الشكل. فالقرار غير حبيب الى النفس. وغير سهل. لكن ما باليد حيلة. وجايزة ما نعرفش برضه انا احنا هنجهه اجتهادا كبيرا في ان احنا باذن الله تعالى على مستوى كل مكان علشان نسد - 00:49:00

لانه والا بصوا يا اخوانا انا عايز اقول لكم انا كنت اتمنى على فكرة انا كاره لهذا اللي بقوله لكم كله. انا كنت اتمنى اهدى بقى شوية يعني اشوف حاجات تانية. انا مش البديل ده مش مش ممكن. يعني غير جائز شرعا. وبالتالي ما فيش - 00:49:30
غير كده. افرض بقى ان احنا لم يثبتتنا تلتاشر واحد الا عشرة. زي بعضه. افرض انا جيت المسجد المرة الجاية لقيت واحد ولا الاثنين قاعدين قدامي برضه زي بعضه. الرجل اتبسط قال لك يا ريت عشان نعرف نقدر معك براحتنا - 00:49:50
فنسأل الله على كل حال على كل حال انا في اية لم يعد معينا بها مع النبي عليه الصلاة والسلام لانها ما فيش مانع نطبقها اللي هي فقدموا بين يدي نجواكم صدقة - 00:50:10